

2023KO MAIATZAREN 18AN GOBERNU BATZARRAK EGINDAKO OHIKO BILERAREN AKTA

MODUA: Presentzialki

TOKIA: Batzar aretoa

EGUNA: Hemezortzia

HILABETEA: Maiatza.

URTEA: Bi mila eta hogeita hiru.

HASIERAKO ORDUA: Arratsaldeko seiak eta erdi

BATZARRALDIAREN IZAERA: Ohikoa

DEIALDIA: Lehena

OSATZEN DUTEN PARTAIDEEN KOPURUA: Bost (5)

MAHAIBURUA: Leire Artola Ugalde (EAJ-PNV)

BILDUAK: Adur Ugartemendia Leunda (EAJ-PNV)

Nerea Manzidor Mendizabal (Beasaingo EH Bildu)

Eva Alvarez Atanes (Socialistas Vascos-Euskal Sozialistak)

Malu Valles Fernandez (EAJ-PNV)

IDAZKARIA: ITZIAR AROZTEGUI APAOLAZA

1.- AURREKO AKTA. Aurreko Aktaren onespena. 2023-04-04.

Aktaren berri eman ondoren onartu da egin da berarekiko zer esanik ez dagoelako.

2.- HERRITARRAK BATZORDEKO PROPOSAMENAK.

a.- **BEASAINGO UDALA ETA EUSKAL FONDOAREN ARTEKO HITZARMENA.**
2023BIBO0008

Ezagutzera eman da, Herritarrak batzordeko proposamena, hau da:

“AURREKARIAK

- I) *Euskal Fondoaren erakundearen helburua garapen bidean dauden herrialdeekin lankidetzan aritzea da, garapen ekonomiko edo sozialerako edota sentsibilizaziorako egitasmo eta programak sustatuz, finantzatuz edo kudeatuz.
Hori guztia kontuan hartuta, Udalbatzak, garapenerako lankidetzako ekintzetarako Udalak eman beharreko laguntzen banaketa profesionalagoa egite aldera, Euskal Fondoaren bazkide egitea erabaki zuen 2014ko abenduaren 18an.*
- II) *Euskal Fondoak, 2023rako aurkeztutako finantzaketa-proiektuen berri eman dio Udalari.*
- III) *2022ko abenduaren 13ko 2022/1979 Alkatetzaren Ebazpenaren bidez onartutako 2023-2025 diru-laguntzen plan estrategikoak 1. helburu estrategiko gisa gizarte-ekintza sustatzea aurreikusten du (1.4 diru-laguntza ildoak: Gizarte-lankidetzak eta garapenerako laguntza), eta 2023rako Udalaren Aurrekontu Orokorren transferentzia arrunten eranskinean Euskal Fondoaren aldeko diru-laguntza izenduna aurreikusten da.*

LEGERI APLIKAGARRIA

- 38/2003 Legeak, diru laguntzen lege orokorrak, 22.2.a) artikuluan aurreikusten du toki erakundeen aurrekontuetan modu nominatiboan aurreikusitako diru laguntzak zuzenki emateko aukera.
- 38/2003 Legeak, diru laguntzen lege orokorrak, 28. artikuluan xedatzen du hitzarmena izango dela toki erakundeen aurrekontuetan modu nominatiboan aurreikusitako diru laguntzak bideratzeko ohiko tresna.
- Euskadiko Toki Erakundeei buruzko apirilaren 7ko 2/2016 Legearen 37. artikulua berezko eskumen gisa aurreikusten du garapenerako lankidetzaren alorreko politikak planifikatzea, antolatzea eta kudeatzea, eta Euskal Autonomia Erkidegoko Garapenerako Lankidetzari buruzko otsailaren 22ko 1/2007 Legeak, 14. artikuluan, eskumenak ematen dizkie udalei, egoki irizitako garapenerako lankidetzaren programak edo -ekintzak gauzatzeko.

Horren ondorioz, Herritarrak Batzordeak Udal Gobernu Batzordeari ondorengo erabaki proposamena egiten dio:

Lehenik. Euskal Fondoari 83.145,20€ko dirulaguntza onartzea (2023ko aurrekontuan nominatiboki aurreikusita) honetarako:

- Euskal Fondoaren bazkide kuota ordaintzeko (3.146,46€).
- Honako proiektuak finantzatzeko, adierazitako zenbatekoetan:

-43.816,87€: P358. Edangarriaren sistema eraikitzea, Sesincheu Baserria, Fray Bartolomé de las Casas, Alta Verapaz departamentua. Guatemala.

-35.333,30€: P360. Desgaitasuna duten pertsonak gizarteratzeko eta laneratzeko proiektuak indartzea, Habanako Historialariaren Bulegoaren eskutik.

-848,57€: P361. Zahartze osasungarriko estrategiak sendotzea eta gizartean parte hartzea, Habana Hiriko Historialariaren Bulegoak helduei arreta emateko garatzen duen programan.

Bigarren. Beasaingo Udala eta Euskal Fondoaren artean sinatzeko hitzarmenaren testua onartzea.”

Hitz egiteko txanda eman ondoren, bildutakoek ondorengo iritzia azaldu dituzte:

Nerea Manzisidor Mendizabal andreak (Beasaingo EH Bildu), galdetu du ea informazio guztiak jartzen diren edo hitzaldiak egiten diren herritarrek ezagutu dezaten Gobernu Kanpoko Erakundeek egiten duten lana.

Malu Valles Fernandez andreak (EAJ-PNV) ihardetsi dio inoiz etorri direla azaltzea egiten den lana eta Eva Alvarez Atanes, Socialistas Vascos-Euskal Sozialistak udal taldearen ordezkariak informatzeko deialdia herritarrei zuzendutakoa izan zen galderari erantzunez esan du, gonbidapena publikoa izan zela. Jarraian ezagutarazi du Udalak Gobernu Kanpoko Erakundeekin berri izaten duela Euskal Fondoaren bitartez.

Esateko besterik ezean, bozketa egin da eta aho batez onartu da proposamena.

b.- BEASAINGO UDALA ETA CITA ALZHEIMER FUNDAZIOAREN ARTEKO HITZARMENA.
2023BIBO0005

Ezagutzera eman da, Herritarrak batzordeko proposamena, hau da:

“

AURREKARIAK

I. Beasaingo Udalak 2017az geroztik STOP-ALZHEIMER izeneko Estrategian parte hartu du. Erronka partekatua da, CITA-Alzheimer Fundazioak diseinatua. Horren bidez, udalerrian bi proiektu garatu dira: GOIZ proiektua eta GOIZ-ZAINDU proiektua. Proiektu horren aurkikuntzak eta emaitzak nazioko eta nazioarteko komunitate zientifikoan zabaldu dira, eta Gipuzkoa osoko beste herri batzuetara lekualdatu dira, Alzheimer gaixotasunak gizarte osoari eragiten dion mehatxuari aurre egiteko tokiko jarduera-eredu bat sortzen joateko helburuarekin.

II.-Berriki, CITA Alzheimer Fundazioak udalerrian bi proiektu berri garatzea proposatu du, 2023 eta 2024. urteetan:

-CITA GO-ON proiektua. 60-85 urte bitarteko pertsoneri zuzenduta dago. Narriadura kognitiboa prebenitzeko eta zahartze osasungarria sustatzeko modua ikertzen da, bizi-ohiturak zainduz eta osasun kardiobaskularra kontrolatuz.

-EXERCITA proiektua: estimulazio kognitiboko programa integrala da, lau zailtasun-mailatan banatutako ariketa-liburuek osatzen dute, eta CITA-Alzheimerreko profesionalak online egindako talde-saioen bidez jarraipena eta aholkularitza du

III.-Beasaingo Udalak badaki garrantzitsua dela prebentzio- eta hezkuntza-ekintzak garatzea, bizitza aktiboa eta partehartzailea sustatzeko, ohitura osasungarriak hartu eta zahartzaroa ahalik eta autonomoena eta osoena izateko.

IV. 2022ko abenduaren 13ko 2022/1979 Alkatetzaren Ebazpenaren bidez onartutako 2023-2025 Dirulaguntzen Plan Estrategikoak aurreikusten du:

- 1 helburu estrategikoa: Gizarte-ekintza sustatzea.*
- Diru-laguntza lerroa, 1.5: Osasuna eta ongizatea sustatzea.*

2023rako Udalaren Aurrekontu Orokorraren transferentzia arrunten eranskinean CITA-Alzheimer Fundazioaren aldeko diru-laguntza izenduna aurreikusten da, 50.000€koa.

Era berean, 2024rako konpromisuzko kreditua dago 50.000€koa.

LEGERI APLIKAGARRIA

- 38/2003 Legea, azaroaren 17koa, Diru Laguntzen Lege Orokorra.*
- 887/2006 Errege Dekretua, uztailaren 21ekoa, diru laguntzei buruzko azaroaren 17ko 38/2003 Lege Orokorren Erregelamendua onartzen duena.*
- Beasaingo Udaleko diru laguntzen udal ordenantza arautzailea, Osoko Bilkuraren 2006ko azaroaren 30eko Akordio bidez onartu zena.*

- 9/2017 Legea, azaroaren 8koa, Sektore Publikoko Kontratuena, 4. artikuluan berariaz xedatutakoaren arabera, hitzarmenak legearen aplikazio eremutik kanpo uzten dituen, lege horren printzipioak ager litezkeen zalantzak eta gabeziak argitu eta osatzeko aplikagarriak izan arren.
- 40/2015 Legea, urriaren 1ekoa, Sektore Publikoaren Araubide Juridikoarena.
- 2/2016 Legea, apirilaren 7koa, Euskadiko Toki Erakundeei buruzkoa. 17,10 artikulua.

Horren ondorioz, Herritarrak Batzordeak Udal Gobernu Batzordeari ondorengo erabaki proposamena egiten dio:

Beasaingo Udala eta CITA Alzheimer Fundazioaren artean sinatzeko hitzarmenaren testua onartzea.”

Hitz egiteko txanda eman ondoren, bildutakoek aho batez onartu dute CITA ALZHEIMER FUNDAZIOAREkin bi urteetarako hitzarmena, sinatzea urte bakoitzean 50.000,00 €ko dirulaguntza emanez.

c.- BEASAINGO UDALERRIAN GIZARTE ETA HEZKUNTZA ARLOAN ETA ARLO PSIKOSOSIALEAN ESKUHARTZE ZERBITZUA EMATEKO KONTRATUA LUZATZEA.
2021BIBO0007

Ezagutzera eman da, Herritarrak batzordeko proposamena, hau da:

“AURREKARIAK

I.- 2021-05-27. Gobernu Batzordeak egindako bileran, Beasaingo udalerrian gizarte eta hezkuntza arloan eta arlo psiko-sozialean eskuhartze zerbitzua, prozedura irekia eta erregulazio harmonizatuaren bidez kontratatze deialdi publikoa egitea erabakitzen da eta horretarako dagozkion baldintza plegu administratibo eta teknikoak onartu dira.

II.- 2021-08-30. Alkatetzaren ebazpena eman da, zerbitzu hori Asociación Lorratz Elkarteari esleitzeko.

III.- 2021-08-28. Asociación Lorratz Elkartearekin kontratua sinatzen da. Egikaritze epea 2 urtekoa da, 2021-10-1etik aurrera, eta bi luzapen egiteko aukera dago, bakoitza urtebetekoa. Luzapena espresuki adierazi beharko da eta eskumena duen organoak erabakia hartu beharko du.

IV.- 2023-04-04. Udalaren asmoa kontratua beste urte betez luzatzeari buruzko jakinarazpena Asociación Lorratz Elkarteari, 10 eguneko epean erantzuna eskatuz.

Hurrengo egunean Asociación Lorratz Elkarteak jakinarazten du ados dagoela kontratua luzatzeko proposamenarekin.

V.- 2023-04-14. Gizarte Ongizate azpi saileko arduradun teknikoak kontratua luzatzearen aldeko proposamen txostena egin du.

OINARRI JURIDIKOAK

- *Beasaingo udalerrian gizarte eta hezkuntza arloan eta arlo psikosozialean eskuhartze zerbitzua, prozedura irekia eta erregulazio harmonizatuaren bidez kontratatzeko baldintza plegua.*

PROPOSAMENA

Herritarrak batzordeak Udal Gobernu Batzordeari ondorengo erabaki proposamena egiten dio, azter dezan:

Lehenik: Urtebeterako eta egungo baldintzetan, prezioa barne, Asociación Lorratz Elkarteari kontratua luzatzea, Beasaingo udalerrian gizarte eta hezkuntza arloan eta arlo psikosozialean eskuhartze zerbitzua emateko.

Bigarren: Luzapena 2023ko urriaren 1etik 2024ko irailaren 30era izango da; epe hau amaitu ondoren beste urte 1eko luzapen berria egiteko aukera dago.

Hirugarren: Asociación Lorratz Elkarteari erabaki honen berri ematea.”

Hitz egiteko txanda eman ondoren, bildutakoek proposamenarekiko adostasuna azaldu dute.

Horren ondorioz, aho batez onartu da proposamena.

3.- LURRALDE BATZORDEKO PROPOSAMENAK:

a.- BEASAINGO HIRI-MUGIKORTASUN JASANGARRIAREN PLANA ONARTZEA.
2021HIBO0127

Ezagutzera eman da, Lurralde batzordeko proposamena eta bide batez planaren ezaugarri berezienak.

Adur Ugartemendia Leunda Lurraldeko zinegotzi delegatuak (EAJ-PNV) esan du orain onartzea proposatzen den Beasaingo hiri-mugikortasun jasangarriaren plana lantzeko parte-hartzea egin dela eta kontuan izan direla izandako hamabost kontsulta eta iradokizun, besteak beste zabor-puntuei lotutakoak. Beraz, Lurralde batzordean azal dutako hiri-mugikortasun plana onartzea proposatu du.

Hitz egiteko txanda eman ondoren, iritzi hauek azaldu dira:

Eva Alvarez Atanes andreak (Socialistas Vascos-Euskal Sozialistak) esan du abstenitu egingo direla egitasmo horretan beraien ustetan kontraesanak daudelako. Ez dute logikoa ikusten trafikoa Kale Nagusitik Andre Mari kalerantz bideratzea ondoren Martina Maiz kaletik jaisteko, trafikoa La Salle ondotik pasatzen delako eta horrek ez diolako segurtasuna ematen ikastetxeari.

Adur Ugartemendia Leunda Lurraldeko zinegotzi delegatuak (EAJ-PNV) erantzun du esanez helburua dela Bideluze inguruan ibilgailuen kopurua jaistea eta horrek dakarrela beste neurri batzuk hartzea.

Nerea Manzisidor Mendizabal andreak (Beasaingo EH Bildu): “Gu ere abstenitu egingo gara. Ez gaude ados plan egiteko erabili den prozedurarekin. Gure ustez plan honek lotura zuzena du HAPO eta TAO ordenantzarekin eta bi dokumentu hauetan islatzen direnak ere aurreikusi egin beharko lirateke mugikortasun planean. Garmendia Otaola eta geltokian zalantzak ditugu. Guk ez genukeen horrela egingo.”

Adur Ugartemendia Leunda Lurraldeko zinegotzi delegatuak (EAJ-PNV): "Ez dakit zein puntuetaraino mugikortasun planak duen HAPOn inpaktua."

Nerea Manzisidor Mendizabal andreak (Beasaingo EH Bildu): "'HAPOn bide gorri sarea lotu egiten dira eta horrek eragina izango luke mugikortasun planean."

Eva Alvarez Atanes andreak (Socialistas Vascos-Euskal Sozialistak): "HAPOaren iradokizunak erantzuterakoan esaten zen mugikortasun planean aurreikusiko zenaren baitan zegoela."

Adur Ugartemendia Leunda Lurraldeko zinegotzi delegatuak (EAJ-PNV): "Nik esango nuke HAPOaren iradokizunak erantzuterakoan TAO ordenantzaren aldaketa kontuan izan behar zela eta ez mugikortasun plana."

Alkateak andreak ezagutarazi du mugikortasun plana lantzerakoan bertaratutako hainbat kolektibokoek OTArekin zerikusia zuten alegazioak egiten zituztela.

Gaia behar adina eztabaidatu ondoren, bozketa egin da eta ondorengo emaitza lortu da:

Aldeko botoak: 3 (EAJ-PNV)

Aurkako botoak: 0

Abstentzioak: 2 (Beasaingo EH Bildu eta Socialistas Vascos-Euskal Sozialistak)

Horren ondorioz, gehiengo osoarekin onartu da Beasaingo hiri-mugikortasun jasangarriaren plana.

b.- OBRAK ESLEITZEA:

- BEASAINGO ALKARTASUNA LIZEOA H.L.H.I-KO FRONTOIAREN TEILATUA ERABERRIKETA ETA IRISGARRITASUN ETA SEGURTASUN BALDINTZAK EGOKITZEKO OBRAK. 2023PROB0004

Ezagutzera eman da Kontratazio Mahaiaren proposamena, hau da:

"1.- 2023-04-04. Gobernu Batzordeak onartu zuen deialdi publikoaren bidez aipatutako hornidura kontratatzea, pleguekin batera. Prozedura irekia.

2.- 2023-04-05. Euskadiko plataforman deialdia argitaratu zen.

3.- 2023-05-01. Eskaerak aurkezteko epearen amaiera.

4.- Epe horretan enpresa lizitatzailerik hauek aurkeztu ziren:

IFK: B75002162

Sozietate-izena: UNEBIDE OBRAS Y CONTRATAS, S.L.

Erregistro-data: 2023/05/02 00:00

IFK: A75048397

Sozietate-izena: CONSTRUCCIONES ECHAIDE SA

Erregistro-data: 2023/05/02 00:00

IFK: A20053773

Sozietate-izena: CONSTRUCCIONES ITURRIOZ SA

Erregistro-data: 2023/05/02 00:00

5.- Aurkeztutako dokumentazioa kalifikatu ondoren, egiaztatu zen enpresa lizitatzailer guztiak betetzen dituztela eskatutako kaudimen-baldintzak. Klasifikazioa eskatzen ez bada ere, ezaugarri koadroan adierazten dena, enpresa guztiak daukate: Ezaugarri koadroan eskatutako klasifikazioa guztiek dute.

CONSTRUCCIONES ITURRIOZ SAK ez du aurkeztu obrari atxikitzea proposatzen duen arkitekto teknikoaren titulua. Esleipendun suertatzen bada aurkezteko errekerimendua egingo zaio.

6.- Horren ondorioz, hiru enpresei onartu zitzaizen lizitazioan parte hartzea.

7.- 2023-05-8an B artxibo elektronikoari irekiera burutu zen (judizio bidez baloratuko diren esleipen-irizpideak)

Lizitatzailerak aurkeztutako dokumentazioa zerbitzu teknikoei pasa zitzaion txostena emateko. Txosten hori 2023-05-10eko datarekin eman zen.

Kontratazio Mahaiak ontzat eman zuen txostena eta bere gain hartu zuen. 40 puntutik, lizitatzailerak lortutako puntuazioa guztira ondorengoa da:

UNEBIDE OBRAS Y CONTRATAS, S.L.: 32,50

CONSTRUCCIONES ECHAIDE S.A.: 28,00

CONSTRUCCIONES ITURRIOZ S.A.: 27,50

8.- Gaur, 9,00etan C kartazala (formula automatikoen bidez baloratuko diren irizpideak) ireki da ekintza publikoan.

Atal honetan esleipen irizpideak ondorengoak dira:

- Eskaintza ekonomikoa (50 puntu). Lizitazio prezioa ondorengoa da: 530.538,25 € + BEZ.

Baldintza-agirian ezarritakoa urtebeteko berme-epe luzeagoa eskaintzea (10 puntu).

9.- Lizitatzailerak aurkeztutako eskaintzak ondorengoa izan dira:

Enpresa lizitatzailerak	Eskaintza ekonomikoa	Berme epea
UNEBIDE OBRAS Y CONTRATAS, S.L	485.442,07 €	+ 8 urte
CONSTRUCCIONES ECHAIDE S.A.	510.486,09 €	+ 8 urte
CONSTRUCCIONES ITURRIOZ S.A.	519.927,49 €	+ 8 urte

10.- Hiru enpresek azpikontratazioari buruzko 4. eranskina aurkeztu dute.

11.- Lizitatzailerak lortutako puntuazioa guztira ondorengoa izan da:

Enpresa lizitatzaila	Memoria	Eskaintza ekonomikoa	Berme epea	GUZTIRA
UNEBIDE OBRAS Y CONTRATAS, S.L.	32,50	8,50	10,00	51,00
CONSTRUCCIONES ECHAIDE S.A.	28,00	3,78	10,00	41,78
CONSTRUCCIONES ITURRIOZ S.A.	27,50	2,00	10,00	39,50

Horren ondorioz, Kontratazio Mahaiak Gobernu Batzordeari ondorengo proposamen erabakia egiten dio.

Lehenik. Beasaingo Alkartasuna Lizeoa H.L.H.I-ko frontoiaren teilatua eraberriketa eta irisgarritasun eta segurtasun baldintzak egokitzeko obrak, UNEBIDE OBRAS Y CONTRATAS, S.L.ri esleitzea.

Bigarren. Esleipena baldintza-pleguen (administratiboa eta teknikoa), eta enpresak aurkeztutako eskaintzaren arabera egiten da.

Hirugarren. Esleipen prezioa, ondorengoa da:

485.442,07 € + 101.942,83 € (BEZ) = 587.384,90 €.

Laugarren. Egikaritze epea: 13 aste.

Obrak 2023ko ekainaren 5etik irailaren 4ra bitartean egin beharko dira.

Bosgarren. Berme epea: 9 urte.

Seigarren. Azpikontratazioa: Bai

Zazpigarren. Kontratuaren arduraduna, Lurralde arloko arduraduna izango da.

Zortzigarren. Esleipendunari eskatzea hamar egun balioduneko epean, errekerimendua egin eta hurrengo egunetik aurrera zenbatzen hasita, dokumentazio hau aurkez dezala:

1. 24.272,10 €ko behin betiko fidantza.
2. Zerga-betebeharrak eta Gizarte Segurantzarekikoak egunean dituela egiaztatzen duen ziurtagiria, EJZn alta emanda.
3. Arrisku profesionalengatiko kalte-ordainen aseguru poliza, gutxienez a 600.000,00 €koa.

Bederatzigarren. Fidantza eta bestelako dokumentazioa aurkeztu ondoren, behin betiko esleipena egingo da, Alkatearen aldetik eta ondoren, dagokion administrazio-kontratua sinatu beharko da.”

Hitz egiteko txanda eman ondoren, bildutakoek proposamenarekiko adostasuna azaldu dute.

Horren ondorioz, aho batez onartu da proposamena.

- BEASAINGO ANDRE MARI 9 URBANIZAZIOKO ZOLADURA BERRITZEKO OBRAK. 2023PROB0005

Ezagutzera eman da Kontratazio Mahaiaren proposamena, hau da:

“1.- 2023-04-04. Gobernu Batzordeak onartu zuen deialdi publikoaren bidez aipatutako obrak kontratatzea, pleguekin batera. Prozedura irekia.

2.- 2023-04-11. Euskadiko plataforman deialdia argitaratu zen.

3.- 2023-05-07. Eskakerak aurkezteko epearen amaiera.

4.- Epe horretan enpresa lizitzaile hau aurkeztu zen:

IFK: A75048397

Sozietate-izena: CONSTRUCCIONES ECHAIDE SA

Erregistro-data: 2023/05/05 13:04

5.- Aurkeztutako dokumentazioa kalifikatu ondoren, kaudimen-baldintzak betetzen dituela egiaztatu zen, izan ere obra honetarako aurreikusitako klasifikazioa dauka. Obra buruarentzat eskatzen den titulazio-akademikoa ere aurkeztu du.

6.- Horren ondorioz, enpresari onartu egin zitzaion lizitazioan parte hartzea.

7.- 2023-05-10ean B artxibo elektronikoari irekiera burutu zen (judizio bidez baloratuko diren esleipen-irizpideak)

Lizitzaileak aurkeztutako dokumentazioa zerbitzu teknikoei pasa zitzaion txostena emateko. Txosten hori 2023-05-10eko datarekin eman zen.

Kontratazio Mahaiak ontzat eman du txostena eta bere gain hartu du. Lizitzaileak lortutako puntuazioa guztira 45 puntutik, 31 izan dira.

8.- Gaur, 9,00etan C kartazala (formula automatikoen bidez baloratuko diren irizpideak) ireki da ekintza publikoan.

Atal honetan esleipen irizpideak ondorengoak dira:

- Eskaintza ekonomikoa (55 puntu). Lizitazio prezioa ondorengoa da: 77.852,28 € + BEZ.

9.- Lizitzaileak aurkeztutako eskaintza ondorengoa izan da:

71.127,35 € + 14.936,74 € (BEZ)

10.- Enpresak azpikontratazioari buruzko 4. eranskina aurkeztu du.

11.- Lizitzaileak lortutako puntuazioa guztira ondorengoa izan da:

Enpresa lizitzailea	Memoria	Eskaintza ekonomikoa	GUZTIRA
CONSTRUCCIONES ECHAIDE S.A.	31,00	9,50	40,50

Horren ondorioz, Kontratazio Mahaiak Gobernu Batzordeari ondorengo proposamen erabakia egiten dio.

Lehenik. Andre Mari, 9 urbanizazioko zoladura berritzeko obrak, CONSTRUCCIONES ECHAIDE S.A.ri esleitzea.

Bigarren. Esleipena baldintza-pleguen (administratiboa eta teknikoa), eta enpresak aurkeztutako eskaintzaren arabera egiten da.

Hirugarren. Esleipen prezioa, ondorengoa da:

71.127,35 € + 14.936,74 € (BEZ) = 86.064,09 €

Laugarren. Egikaritze epea: 12 aste.

Bosgarren. Berme epea: Urte bete

Seigarren. Azpikontratazioa: Bai

Zazpigarren. Kontratuaren arduraduna, Lurralde arloko arduraduna izango da.

Zortzigarren. Esleipendunari eskatzea hamar egun balioduneko epean, errekerimendua egin eta hurrengo egunetik aurrera zenbatzen hasita, dokumentazio hau aurkez dezala:

1. 3.556,37 €ko behin betiko fidantza.
2. Zerga-betebeharrak eta Gizarte Segurantzarekikoak egunean dituela egiaztatzen duen ziurtagiria, EJZn alta emanda.
3. Arrisku profesionalengatiko kalte-ordainen aseguru poliza, gutxienez a 600.000,00 €koa.

Bederatzigarren. Fidantza eta bestelako dokumentazioa aurkeztu ondoren, behin betiko esleipena egingo da, Alkatearen aldetik eta ondoren, dagokion administrazio-kontratua sinatu beharko da.”

Hitz egiteko txanda eman ondoren, bildutakoek proposamenarekiko adostasuna azaldu dute.

Horren ondorioz, aho batez onartu da proposamena.

- 2023.URTEKO KANPAINAN BIDEAK ASFALTATZEKO OBRAK. 2023ZEBO0027

Ezagutzera eman da Kontratazio Mahaiaren proposamena, hau da:

“1.- 2023-04-04. Gobernu Batzordeak onartu zuen deialdi publikoaren bidez aipatutako hornidura kontratatzea, pleguekin batera. Prozedura irekia.

2.- 2023-04-05. Euskadiko plataforman deialdia argitaratu zen.

3.- 2023-05-01. Eskakerak aurkezteko epearen amaiera.

4.- Epe horretan enpresa lizitatzailerak aurkeztu dira:

IFK: A01008051

Sozietate-izena: YARRITU, S.A.

Erregistro-data: 2023/04/13 11:57

IFK: A33605072
Sozietate-izena: ALVARGONZALEZ CONTRATAS S A
Erregistro-data: 2023/05/02 00:00

IFK: B31065212
Sozietate-izena: EXCAVACIONES Y TRANSPORTES ORSA, S.L.
Erregistro-data: 2023/05/02 00:00

IFK: A20095311
Sozietate-izena: ASFALTOS URRETXU, S.A.
Erregistro-data: 2023/05/02 00:00

IFK: B47607775
Sozietate-izena: ASFALTIA, S.L.
Erregistro-data: 2023/05/02 00:00

5.- Aurkeztutako dokumentazioa kalifikatu ondoren, egiaztatu daiteke enpresa lizitzaile guztiak betetzen dituztela eskatutako kaudimen-baldintzak. Klasifikazioa eskatzen ez bada ere, ezaugarri koadroan adierazten dena, enpresa guztiak daukate.

6.- Horren ondorioz, bost enpresei onartu zaie lizitazioan parte hartzea.

7.- Gaurko egunean, 10,00etan B artxibo elektronikoari irekiera eman zaio:

- Eskaintza ekonomikoa: 80 puntu.
- Berme epea handitzea: 20 puntu
- Lizitazio prezioa: 78.414,95 € + BEZ
- Pleguan ezarritako berme epea: urtebete.

8.- Enpresek aurkeztutako eskaintzak ondorengoak izan dira:

Lizitzaileak	Eskaintza ekonomikoa	Berme epea	GUZTIRA
YARRITU, S.A.	66.065,00 + BEZ.	+ 4	
ALVARGONZALEZ CONTRATAS S A	65.618,80 + BEZ	+ 4	
EXCAVACIONES Y TRANSPORTES ORSA, S.L.	66.062,46 + BEZ	+ 4	
ASFALTOS URRETXU, S.A.	64.535,50 + BEZ	+ 4	
ASFALTIA, S.L.	63.508,27 + BEZ	+ 4	

9.- Enpresek lortutako puntuazioa:

LIZITATZAILEAK / LICITADORES	Prezioa Precio	Hobekuntzak Mejoras	GUZTIRA TOTAL
1.- ASFALTOS URRETXU, S. A	28,32	20	48,32
2.- ALVARGONZALEZ CONTRATAS, S.A.	26,11	20	46,11
3.- EXCV. Y TRANSP. ORSA	25,20	20	45,20
4.- ASFALTIA S.L.	30,42	20	50,42
5.- YARRITU S.A.	25,20	20	45,20

Horren ondorioz, Kontratazio Mahaia kontratazio organoari (Gobernu Batzordea) ondorengo erabaki proposamena egiten dio:

Lehenik: Bide asfaltaketa obrak. 2023ko kanpaina, ASFALTIA, S.L.ri esleitzea.

Bigarren. Esleipena baldintza-pleguen (administratiboa eta teknikoa), eta enpresak aurkeztutako eskaintzaren arabera egiten da.

Hirugarren. Esleipen prezioa, ondorengoa da: 63.508,27 + 13.336,74 € (BEZ). Guztira: 76.845,01 €.

Laugarren. Egikaritze epea: 2023ko uztailaren 26tik abuztuaren 4ra bitarte

Bosgarren. Luzapenak: Ez.

Seigarren. Berme epea: 5 urte.

Zazpigarren. Kontratuaren arduraduna, zerbitziburua izango da.

Zortzigarren. Esleipendunari eskatzea hamar egun balioduneko epean, errekerimendua egin eta hurrengo egunetik aurrera zenbatzen hasita, dokumentazio hau aurkez dezala:

1. 3.175,41 €ko behin betiko fidantza.
2. Zerga-betebeharrak eta Gizarte Segurantzarekikoak egunean dituela egiaztatzen duen ziurtagiria, EJZn alta emanda.
3. Arrisku profesionalengatiko kalte-ordainen aseguru poliza, gutxienez a 601.012,10 €koa.

Bederatzigarrena. Fidantza eta bestelako dokumentazioa aurkeztu ondoren, behin betiko esleipena egingo da, Alkatearen aldetik eta ondoren, dagokion administrazio-kontratua sinatu beharko da.”

Hitz egiteko txanda eman ondoren, bildutakoek proposamenarekiko adostasuna azaldu dute.

Horren ondorioz, aho batez onartu da proposamena.

c.- HORNIDURA ESLEITZEA: BEASAINGO UDALAREN OBRA BRIGADENTZAT KAMIOI-GARABIAREN HORNIDURA. 2023ZEBO0033

Ezagutzera eman da Kontratazio Mahaiaren proposamena, hau da:

“1.- 2023-04-04. Gobernu Batzordeak onartu zuen deialdi publikoaren bidez aipatutako hornidura kontratatzea, pleguekin batera. Prozedura irekia.

2.- 2023-04-05. Euskadiko plataforman deialdia argitaratu zen.

3.- 2023-04-20. Eskakerak aurkezteko epearen amaiera.

4.- Epe horretan enpresa lizitatzailerik hauek aurkeztu dira:

IFK: A31007214

Sozietate-izena: RESA GUIPUZCOANA SA

Erregistro-data: 2023/04/19 18:07

IFK: A08664724

Sozietate-izena: CONSTRUCCIONES Y TECNICAS DE MAQUINARIA SA

Erregistro-data: 2023/04/20 11:14

IFK: B46641585

Sozietate-izena: TRES CARROCEROS S.L.

Erregistro-data: 2023/04/20 16:01

5.- Aurkeztutako dokumentazioa bokal teknikoengatik aztertu ondoren, egiaztatu daiteke enpresa lizitatzailerik guztiak betetzen dituztela eskatutako kaudimen-baldintzak.

6.- Horren ondorioz, hiru enpresei onartu zitzaizkien lizitazioan parte hartzea.

7.- Gaurko egunean, 11,00etan B artxibo elektronikoaren irekiera burutu da (automatikoki baloratzen diren esleipen-irizpideak: prezioa, aurreikusitako 2 urteko berme-epea luzatzea eta aurreikusitako 52 asteko entrega-epea baino laburragoa).

Gogorarazi da lizitazio prezioa ondorengoa dela: 98.347,107 € + 20.652,893 € (IVA) = 119.000,00 €

8.- Lizitatzailerik aurkeztutako eskaintzat ondorengoak izan dira:

	<i>Eskaintza ekonomikoa Oferta económica</i>	<i>Berme epea Plazo de garantía</i>	<i>Entregatzeko epea Plazo de entrega</i>
RESA GUIPUZCOANA S.A.	97.432,90 €	+ 3 urte / años	0
CONSTRUCCIONES Y TECNICAS DE MAQUINARIA S.A.	96.500,00 €	+ 1 urte / años	0
TRES CARROCEROS S.L.	97.999,00 €	+ 0 urte / años	10 aste / semanas

9.- Enpresa lizitatzailleek lortutako puntuazioa ondorengoia izan da:

	<i>Eskaintza ekonomikoa Oferta económica</i>	<i>Berme epea Plazo de garantía</i>	<i>Entregatzeko epea Plazo de entrega</i>	<i>GUZTIRA TOTAL</i>
<i>RESA GUIPUZCOANA S.A.</i>	<i>1,49 p.</i>	<i>15,00 p.</i>	<i>0,00 p.</i>	<i>16,49 p.</i>
<i>CONSTRUCCIONES Y TECNICAS DE MAQUINARIA S.A.</i>	<i>3,01 p.</i>	<i>7,50 p.</i>	<i>0,00 p.</i>	<i>10,51 p.</i>
<i>TRES CARROCEROS S.L.</i>	<i>0,57 p.</i>	<i>0,00 p.</i>	<i>5,00 p.</i>	<i>5,57 p.</i>

Horren ondorioz, Kontratazio Mahaiaik Gobernu Batzordeari ondorengo proposamen erabakia egiten dio.

Lehenik. Beasaingo udal-brigadarako kamioi-garabia bat hornitzea, RESA GUIPUZCOANA S.A.esleitzea.

Bigarren. Esleipena baldintza-pleguen (administratiboa eta teknikoa), eta enpresak aurkeztutako eskaintzaren arabera egiten da.

Hirugarren. Esleipen prezioa, ondorengoia da: 97.432,90 € + 20.460,91 € (BEZ) = 117.893,81 €

Lauugarren. Egikaritze epea: 52 aste kontratua sinatzen den hurrengo egunetik kontatzen hasita.

Bosgarren. Luzapenak: Ez.

Seigarren. Berme epea: 5 urte entrega-ekintza kontratatzaileen artean formalizatzen denetik ...epean.

Zazpigarren. Azpikontratazioari buruz esleipendun proposatutako enpresak, 4. Eranskinean esandakoa kontuan izango da eta aintzakotzat hartuko da Sektore Publikoaren Kontratu-Legearen 215. artikulua.

Zortzigarren. Kontratuaren arduraduna, udal zerbitziburua izango da.

Bederatzigarren. Esleipendunari eskatzea hamar egun balioduneko epean, errekerimendua egin eta hurrengo egunetik aurrera zenbatzen hasita, dokumentazio hau aurkez dezala:

- 1. 4.871,64 €ko behin betiko fidantza.*
- 2. Zerga-betebeharrak eta Gizarte Segurantzarekikoak egunean dituela egiaztatzen duen ziurtagiria, EJZn alta emanda.*
- 3. Arrisku profesionalengatiko kalte-ordainen aseguru poliza, gutxienez a 300.000,00 €koa.*

Hamargarren. *Fidantza eta bestelako dokumentazioa aurkeztu ondoren, behin betiko esleipena egingo da, Alkatearen aldetik eta ondoren, dagokion administrazio-kontratua sinatu beharko da.*

Hitz egiteko txanda eman ondoren, bildutakoek proposamenarekiko adostasuna azaldu dute.

Horren ondorioz, aho batez onartu da proposamena.

d.- OBRAK LIZITATZEA: BEASAINGO UDAL HILERRIKO NITXOAK ERABERRITZEKO OBRAK. 2023PROB0006

Lurralde Batzordeko proposamenaren berri eman da: aipatutako lizitazioa egitea deialdia publikoa eginez, baldintza administratibo eta teknikoak onartuz:

1.- *Prozedura:* irekia eta sinplifikatua publikitatearekin. Lizitazio elektronikoa.

2.- *Izapidetzea:* arrunta

3.- *Lizitazio prezioa:* 193.132,13 €+ BEZ

4.- *Egikaritze epea:* 12 aste. Obra lanak 2023ko azaroaren 2an hasi beharko dira.

5.- *Kaudimen ekonomiko, finantzariora:* Urteko negozio-bolumena, kontratuaren esparruari dagokiona. Urteko negozio-bolumena, kontratuaren esparruari dagokiona. Azken hiru urteetako ekitaldi oneneko negozio-bolumena izango da; kontuan hartuta enpresaburuak enpresa noiz sortu duen edo jarduerak noiz hasi dituen eta eskaintza noiz aurkeztu duen. Zenbatekoa: 289.698,20 € gutxienez.

6.- *Kaudimen teknikoa:*

Titulu akademikoak eta profesionalak, eta, bereziki, kontratua gauzatzeko arduradunarenak edo arduradunenak, bai eta zuzenean horretaz arduratzen diren teknikariak ere:

Obra burua: Arkitektoa, arkitekto teknikoa, eraikuntzako ingeniari teknikoa edo goi mailako ingeniaria. %40etik gorako dedikazioa.

Obraren arduraduna: Titulazio jakinik gabea. %100eko dedikazioa.

- 7.- *Aurkezteko epea, ordua eta lekua:* Hogei egun naturalak, 23,55arte. Litzazio elektronikoa.
8.- *Adjudikazio irizpideak:*

Formula automatikoen bidez baloratzen ez diren irizpideak (25 puntu)

- Obrako sarbide eta irteeren, okupatutako azalaren eta biltegitratzeko eremuen azterketa eta zehazpena (9 puntu).
 - Obrarako sarbideak, obrak hartzen dituen azalera eta materialak biltzeko aurreikusitako eremuak aztertu eta definitu beharko dira. Proposamenaren egokitasuna, argitasuna eta definizio-maila, kontuan hartutakoak eta planteatutako proposamenaren bideragarritasuna baloratuko dira, obraren ezaugarrien eta berezitasunen arabera.
 - Fitxategi bat aurkeztuko da PDF formatuan (E 1/200) eta DWG formatuan. Obraren esku hartzen duten elementu guztiak grafiatu beharko dira: sarbideak, hesiak, etxolen kokapena, metaketa-eremuak, etab.
 - A4 formatuko orri bat aurkeztuko da bi aldeetatik, Arial 10 letrarekin, kontzeptu horiek azalduz.
- Obra lanen plangintza eta antolaketa (9 puntu).
 - Proposamenaren egokitasuna eta obraren plangintzaren eta antolaketaren justifikazioa baloratuko dira.
 - Asteka banakatutako PDF fitxategi bat aurkeztuko da, proposatutako plangintza zehaztuz eta obrako ataza bakoitza definituz, bai eta horren zeregin kritikoak ere.
 - Obraren plangintza ekonomikoa aurkeztuko da hilabetetan eta ehunekoetan, litzazio-prezioa oinarritzat hartuta.
 - A4 formatuko orri bat aurkeztuko da bi aldeetatik, Arial 10 letrarekin, kontzeptu horiek azalduz.
- Obra lanak sor ditzaketen afekzioen azterketa eta hauek mugatzeko hartu beharreko neurrien proposamenak (7 puntu).
 - Obrak eragindako kalteen azterketa egin beharko da, esparruaren irakaskuntza-erabilerari edo beste edozein eratako erabilerari erreparatuta, eta horiek aldatzeko neurri zuzentzaileak, antolamendukoak eta planifikaziokoak aurkeztu beharko dira.
 - Antzemandako eraginaren norainokoa eta garrantzia baloratuko dira, baita aurkeztutako neurri zuzentzaileena ere.

Formula automatikoen bidez puntuatzeko irizpideak. (75 puntu)

- Eskaintza ekonomikoa. 59 puntu.

Atal hau ebaluatzeko, Zerbitzu Teknikoek alde zuzenetik homogeneizatu dituzte, beharrezkotzat jotzen badute, aurkeztutako eskaintzak.

Puntuazioa ezartzeko, honela banatuko da:

0 puntu emango zaizkio litzazioaren oinarritzako aurrekontua berdintzen duen eskaintzari, eta 2 puntu gehituko zaizkio % 1eko beherapen bakoitzeko; gehienez 100 puntu emango dira, beherapenen batek % 50 gainditu ezean, orduan 100 puntu emango baitaizkio, eta gainerakoa interpolatu egingo da.

$B_{max} \leq 50\% \gg P = 200 \times B$

$B_{max} > 50\% \gg P = 100 \times B / B_{max}$

Izanik,

P: Baloratu beharreko eskaintzaren puntuazioa.

B: Baja = $1 - (\text{Eskaintzako prezioa}) / (\text{Litzazioaren gehieneko aurrekontua})$.

B_{max}: Onartutako gehieneko beherapena.

Horrela lortutako emaitzari atal ekonomiko honek puntu kopuru osoan duen portzentajea aplikatuko zaio.

- Agirian ezarritako berme epea baino luzeagoa eskaintzea: 16 puntu

Modu honetan balioztatuko da:

Agirian ezarritako berme epea baino luzeago bat aurkezten duen eskaintzaileak, hau da, urtebetetik gorako berme epea, 2 puntu eskuratuko ditu gehiegizko urte bakoitzeko, gehienez ere 16 puntura iritsi arte.

(Gehieneko puntuazioa lortuko da eskaintzaileak 9 urteko berme-epea eskaintzen duenean, pleguari dagokiona gehi eskaintako bermearen 8). Berme-epe gisa pleguan ezarritakoa aurkezten duen eskaintzak (urte 1) zero puntu lortuko ditu.

9.- *Proposamenak irekitzeko lekua, eguna eta ordua:* plika irekitzea kontratistatzailearen profilean argitaratzen den tokian, egunean eta orduan egingo da.

10.- *Aurkeztu beharreko agiriak:* Lizitatzailleek administrazio-baldintzen Pleguan adierazitako agiriak aurkeztu beharko dituzte.

11.- *Kontratua gauzatzeko baldintza berezia, gizarte arlokoa:*

Kontratua egikaritzeko langile berriak kontratatzea beharrezkoa balitz eta enpresa kontratistak edo azpikontrastak emakumeen ordezkariak ez orekatua balu langileen artean, kontratua egikaritzeko eta egikaritze epe osoan zehar, gutxienez ere, emakume bat kontratatu beharko du langile berri moduan edo, gutxienez ere, aldi baterako kontratatutako emakume bati kontratu mugagabea egin beharko dio. Langile multzoa ez orekatua dela ulertuko da emakumeak guztizko langileen %40ra iristen ez direnean.

Bozketa eginda, aho batez onartu da proposamena.

e.- HORNIDURA ETA INSTALAKUNTZA LIZITATZEA: EROSTEKO AUKERARIK GABEKO ERRENTAMENDUAREN BIDEZ, BEASAINGO GABONETAKO ARGITERIA HORNITU, MUNTATU, MANTENDU ETA DESMUNTATZEA KONTRATATZEA. 2023ZEBO0040

Lurralde Batzordeko proposamenaren berri eman da: aipatutako lizitazioa egitea deialdia publikoa eginez, baldintza administratibo eta teknikoak onartuz:

1.- *Prozedura:* irekia eta publizitatearekin. Lizitazio elektronikoa.

2.- *Izapidetzea:* arrunta

3.- *Lizitazio prezioa:* 37.190,08 €+ BEZ

4.- *Egikaritze epea:* lau hilabete, 2023ko azaroaren 1etik kontatzen hasita.

5.- *Kaudimen ekonomiko, finantzarioa:* Urteko negozio-bolumena, kontratuaren esparruari dagokiona. Azken hiru urteetako ekitaldi oneneko negozio-bolumena izango da; kontuan hartuta enpresaburuak enpresa noiz sortu duen edo jarduerak noiz hasi dituen eta eskaintza noiz aurkeztu duen. Zenbatekoa: $37.190,08 \times 1,5 = 55.785,12$ € gutxienez.

6.- *Kaudimen teknikoak:*

a) Gehienez azken hiru urteetan egindako hornidura nagusiak, zehazki kontratuaren xede direnen antzekoak. Zehaztu behar dira lan horien zenbatekoa, data eta hartzailea (publikoa edo pribatua). Egikaritze handieneko urtean metatutako urteko zenbatekoa kontratuaren urteko batez bestekoaren %70 edo gehiago: $37.190,08 \times 0,7 = 26.033,05$ €.

b) Enpresa kontratistak pertsona bat gutxienez izendatuko du kontratuaren arduradun eta dokumentu honetako 14. atalean adierazitako formazioa izan beharko du

c) Enpresa lizitatzailleak instalatzaile-txartela duten langileak dituela egiaztatzen duen agiria, Behe Tentsioko Erregelamendu Elektroteknikoaren 042 Jarraibidean xedatutakoaren arabera, dagokion erakundearen behar diren instalatzaile-buletinak sinatzeko eta/edo igortzeko gaitzen duena.

7.- *Aurkezteko epea, ordua eta lekua*: Hogeita sei naturalak, 23,55arte. Litzazio elektronikoa.
8.- *Adjudikazio irizpideak*:

Formula automatikoen bidez baloratzen ez diren irizpideak (49 puntu)

- Proposamen teknikoa

Proposamen teknikoa aurkeztu beharko da, eta plegu teknikoaren 12. artikuluan eskatzen den dokumentazioa aurkeztu beharko da.

Kontratuaren zati finkorako (2023-2024 ekitaldia) aurkeztutako dokumentazioaren azterketa-eta definizio-maila baloratuko da.

- Gorabeherak konpontzeko zerbitzua

Erabilitako bitartekoak eta aurkeztutako protokoloaren bideragarritasuna baloratuko dira.

-Elementuen diseinua.

Proposatutako dekorazio-elementuen diseinua eta apaindura-kalitatea baloratuko dira.

Kontratuaren zati finkorako (2023-2024 ekitaldia) aurkeztutako dokumentazioaren azterketa-eta definizio-maila baloratuko da.

Puntuazioan honako hauek hartuko dira kontuan:

Estetika eta gaia:

Eguberrietako motiboen elementu estetiko guztiak baloratuko dira: koloreak, formak, konposizioa... motibo desberdinen egokitasun- eta originaltasun-maila baloratuko da, baita Gabonetako gaiarekiko argitasuna ere.

Dinamismoa;

Proposatutako dekorazio-elementuetan argi- eta/edo sekuentzia-jokoak eta/edo hiru dimentsioko elementu gehiago edo gutxiago egotea baloratuko da.

- Horniduraren eta instalazioaren igoera

Alde batetik, baloratuko da Gernika pasealekuan instalatzea eskatutako gutxieneko elementuen unitateak gehitzea.

Bestalde, Gabonetako elementuak eta aparteko apaingarriak baloratuko dira (kontratazio-mahaiaren iritziz Gabonetako paisaiari ikusgarritasun eta sentsazionalismo handia ematen diotenak), honako leku hauetan: Ezkierdi frontoia (frontoiaren aurreko espazioa), Barrendain plaza, Bideluze plaza, Erauskin plaza eta San Martin plaza.

Kontratuaren zati finkorako (2023-2024 ekitaldia) aurkeztutako dokumentazioaren azterketa-eta definizio-maila baloratuko da.

Puntuazioan honako hauek hartuko dira kontuan:

Instalatzeko eskatutako gutxieneko elementuen unitateak handitzea:
0,1 puntu x unitate.

Salbuespenezko dekorazio-unitatea edo -multzoa, 0 - 2 puntu artekoa / unitateko

Formula automatikoen bidez puntuatzeko irizpideak. (51 puntu)

- Eskaintza ekonomikoa. 51 puntu.

Atal hau ebaluatzeko, Zerbitzu Teknikoek aldez aurretik homogeneousatuko dituzte, beharrezkotzat jotzen badute, aurkeztutako eskaintzak.

PREZIOA (FÓRMULA)

Puntuazioa ezartzeko, honela banatuko da:

0 puntu emango zaizkio lizitazioaren oinarritzko aurrekontua berdintzen duen eskaintzari, eta 2 puntu gehituko zaizkio % 1eko beherapen bakoitzeko; gehienez 100 puntu emango dira, beherapenen batek % 50 gainditu ezean, orduan 100 puntu emango baitzaizkio, eta gainerakoa interpolatu egingo da.

$B_{max} \leq 50\% \gg P = 200 \times B$

$B_{max} > 50\% \gg P = 100 \times B / B_{max}$

Izanik,

P: Baloratu beharreko eskaintzaren puntuazioa.

B: Baja = $1 - (\text{Eskaintako prezioa}) / (\text{Lizitazioaren gehieneko aurrekontua})$.

B_{max}: Onartutako gehieneko beherapena.

Horrela lortutako emaitzari atal ekonomiko honek puntu kopuru osoan duen portzentajea aplikatuko zaio.

EZOHIKO ESKAINTZA BAXUAK

Eskaintza anormalki baxutzat hartuko da onartutako eskaintzen batez bestekoa baino 15 puntu baxuagoa den baja duena. Eskaintza ekonomikoaren bideraezintasuna zehazteko parametro objektibotzat hartuko dira soldata-betebeharrei, gizarte-segurantzako kotizazioei, absentismoari, prestakuntzari, azterketa medikoei eta abarri erantzuteko beharrezkoak diren kostuak estaltzera iristen ez direnak.

9.- *Proposamenak irekitzeko lekua, eguna eta ordua:* plika irekitzea kontratistatzailearen profileen argitaratzen den tokian, egunean eta orduan egingo da.

10.- *Aurkeztu beharreko agiriak:* Lizitatzailleek administrazio-baldintzen Pleguan adierazitako agiriak aurkeztu beharko dituzte.

11.- *Kontratua gauzatzeko baldintza berezia, gizarte arlokoa:*

Kontratua egikaritzeko langile berriak kontratatzea beharrezkoa balitz eta enpresa kontratistak edo azpikontratistak emakumeen ordezkariak ez orekatua balu langileen artean, kontratua egikaritzeko eta egikaritze epe osoan zehar, gutxienez ere, emakume bat kontratatu beharko du langile berri moduan edo, gutxienez ere, aldi baterako kontratatutako emakume bati kontratu mugagabea egin beharko dio. Langile multzoa ez orekatua dela ulertuko da emakumeak guztizko langileen %40ra iristen ez direnean.

Hitz egiteko txanda eman ondoren, Nerea Manzisidor Mendizabal andreak (Beasaingo EH Bildu) esan du aurreko lizitazioan bezala oraingoa ere aurka azaltzen direla.

Beste zinegotziek proposamenaren alde azaldu dira.

Bozketa eginda, ondorengo emaitza izan da:

Aldeko botoak: 4 (EAJ-PNV, Socialistas Vascos-Euskal Sozialistak9)

Aurkako botoak: 1 (Beasaingo EH Bildu)

Abstentzioak: 0

Beraz, proposamena gehiengo osoarekin onartu da.

f.- OBRA ZIURTAGIRIAK. 2022OBMA0015

Ixabel Olano parkearen eta Karobi kalearen birgaitzeko obrak. Likidazioa

Aho batez onartu da, Ixabel Olano parkearen eta Karobi kalearen birgaitzeko obrei buruzko likidazioa, 342.862,09 €koa (BEZ barne).

3.- ESKAERA ETA GALDERAK

Eskaera eta galderen atalean ez da inolakorik aurkeztu.

Eta tratatzeko besterik ezean, bilera arratsaldeko zazpiak bost gutxiagotan amaitu da eta nik, idazkari naizen honek, akta hau idatzi eta sinatu dut.